

張晤吳時。每爲揄揚久之。吳亦喜之。時時令其往來天津小站間。袁既得吳之驩心。事張之禮漸衰。張怒。一日謂吳曰。此子機詐百出。吾近已覺之。不可不防。吳曰。前譽袁者君也。今乃攻擊之不遺餘力。出爾反爾。君之謂矣。張語塞。居無何。袁以數奉差天津故。與李鴻章常晤面頗短。吳於李。是時吳所部三十營陸續爲李撤去。改歸他人統帶。最後吳部僅有十營。吳憤極。莫知其由。自是袁輒得保獎。由同知而知府。未幾以道員記名矣。光緒壬午。朝鮮內亂。丁汝昌等執大院君歸。李鴻章乃奏派袁爲駐韓理事官。加禮部郎中銜。袁居韓者十年。光緒甲午。朝鮮事亟。東鄰進兵。袁以關防交唐紹儀保管。自行回國。既至津。以天津河間兵備道胡燏棻之介紹入都。謁見軍機大臣李鴻藻。由鴻藻而謁督辦

軍務處大臣恭親王奕訢等言及東鄰蓄意開釁。其處心積慮。已非一朝一夕。北洋大臣處。彼常有密報。不幸置若罔聞。今日事發。事前又一無準備。語時殊忼慨激昂。朝臣大爲動容。戰端既開。吾國大受挫折。而袁乃自是扶搖而上。始則簡授溫處道。不到任而求小站練兵。未幾擢直隸按察使。戊戌政變。因康有爲而得候補侍郎。護理直隸總督。次年授山東巡撫。辛丑李鴻章病故。升調直隸總督。丁未入都。爲軍機大臣。外務部尙書。次年孝欽殂逝。載灃攝政。乃以足疾爲詞。勒令回籍。投閒棄散者三年。逮以鄂事起。舉朝張皇失措。乃不得不起用之矣。

袁世凱爲直隸總督。於財權所在。爭奪皆以全力。電報行政。京漢鐵路。招商局航業。則取之於盛宣懷也。開平礦務。則攫之於張翼也。張通州。

人出身至微。其父死。有田數畝。驢二頭。少時善牧馬。醇親王奕環於馬市遇而悅之。命其入府爲馬監。積久。洊升爲醇王府總管。歷掌陵工。積貲富厚。有振興實業之志。以久在醇王府供差。故與內庭太監有聯絡。少雖不學。中歲後。更事旣多。識力亦有大過人者。所經營者。亦頗有高。掌遠蹠之概。非庸才也。初以道員在津。主開平礦務。投貲於開平極巨。後授內閣侍讀學士。辛丑。隨同載灃赴德。加侍郎銜。

唐紹儀。香山人。光緒初年。由容闈帶赴美洲游學。回國後。至津。識袁世凱。袁赴朝鮮。唐隨之俱去。爲仁川理事官。在韓時。常以巨款接濟袁氏。甲午戰端始開。袁以關防交唐。而自回國。袁爲東撫。唐以道員充東省要差。袁升直督。唐爲津海關道。留美學生如梁如浩。蔡紹基。周壽齡等。

或任關道。或主京奉鐵路。皆唐所汲引也。唐不數年擢京堂。擢郵傳部。外交部侍郎。三人者均能持籌握盈。而善居積。唐則不事家人生產。不知稼穡艱難。土苴金帛。自奉豪侈。近二十年來。社會上之奢淫放縱。實唐爲之厲階也。尙憶唐任外務部侍郎時。一日六國飯店宴客。去時已遲。不及命駕。乃就門前乘一人力車而往。所居東城麻線胡同。去六國飯店僅里許耳。唐予車夫以鈔票五元。此在當日經價。至多不過銀一角耳。卽此一節。足見其浪費之一端矣。

朱寶奎。字子文。亦留美學生。與唐紹儀。梁如浩。蔡紹基。周壽齡。皆同學也。向與黃開甲在電報局供職。爲盛宣懷所識拔。袁爲直督。朱由唐向袁輸誠。得袁保薦。以道員入都。爲外務部丞參。適郵傳部新設。擢侍郎。

岑春煊以川督入覲。召見。授郵傳部尙書。都下以科名進者嫉其新貴。攻之於岑。岑謝恩時。劾之。有旨革職。

光緒戊戌。有義大利人羅沙提者。來華經營礦業。串通山西劣紳。由省商務局稟准。專辦盂縣。平定。州潞。安。澤。州及平陽府屬煤鐵各礦。轉由羅沙提承辦。以六十年爲期。晉省大吏。以中外合辦入奏。而所訂合同。實無合辦明文。羅非贊本家。合同既已會簽。乃轉售於英國國福公司。質言之。羅亦不過一掬客耳。久之。晉省紳士亦知此舉損失極巨。紛紛要求收回自辦。光緒丁未。山西按察使丁寶銓奉命入都會商其事。寶銓既到京。與英使朱邇典商議辦法。英使以該公司投資已巨。要求賠償。寶銓則以爲原訂合同。乃兩國商人所協定。與國際交涉迥乎不

同與其相持積年不得歸宿。不如酌償該公司虧耗。逕由晉省收回自辦。英使亦願根據此旨以爲協議之資。是時袁世凱新爲外務部尙書。懼以此失英人懽心。且慮寶銓不諳外情。孝欽后知之。諭世凱與寶銓先行討論。寶銓告以已與英使接洽。可望成議。世凱不之信也。逮與英人定議。將合同完全取銷。由晉省於畝捐中指出的款二百七十五萬兩。分四期交與公司爲購回平定州所有廠房機器及五處已置之產之用。世凱大驚。且忌其能。自是巡撫缺出。孝欽每屬意於寶銓。俱爲世凱所阻。逮世凱去位。乃授寶銓爲山西巡撫。云寶銓山陽人。以進士爲吏部主事。授惠潮嘉道。調冀甯道。光緒丙午。擢山西按察使。次年擢布政使。爲巡撫時。累疏劾奕劻貪婪不職。俱留中。寶銓憤而去官。民國紀

元。旅居滬濱。性剛直。嫉惡嚴。通州張謇經營鹽墾。淮南灶民每爲所魚肉。嗣復設大綱公司於鹽城。受其害者。知寶銓爲張氏所嚴憚。相率赴謁。備陳疾苦。寶銓馳晤張謇。詰責之不稍假詞色。張氏淫威爲之少戢。阜甯鹽城兩邑少聞人。其民至上海傭工者數十萬人。富者設慈善機關。以寶銓鄉望所歸。舉爲會長。有王某者。亦兩邑中以傭工致富者也。性陰賊。以不得在該機關中任意妄爲爲恨。王某曾以事拘禁上海圉圉中。亦疑其事爲寶銓所爲。而寶銓不知也。一日清晨。寶銓乘人力車出。未數十步。突來一人向車後發四彈狙擊之。創甚。昇歸。次日卒。兇手就捕。供爲王某所主使。兇手雖已伏法。王某仍逍遙法外。後夤緣爲某師副官。未幾爲其兵目所殺。

日俄之戰。吾國中立。梁如浩爲京奉鐵路總辦。以煤斤供給俄國軍隊。煤之山價出坑時。每噸不過銀一元有奇。以火車運至新民屯。每噸可得價七十金。事爲日本人所偵知。訴之於袁世凱。世凱召如浩責之。如浩諉爲新民屯站長某甲所爲。世凱怒。欲殺之。如浩懼。求助於唐紹儀。紹儀爲之言於世凱曰。新民屯站長不可殺也。殺之是我承認爲有其事矣。調之去可耳。世凱以爲然。某甲乃得免。

世皆知盛宣懷有憾於袁世凱。不知袁氏之再出也。盛主之甚力。辛亥八月。武漢難作。清廷命將出師。以蔭昌爲督帥。盛聞之曰。事變至此。蔭午樓輩奚足以當之。非袁氏莫屬也。因言之於載澤。同人覲。次日卽有上諭。以袁世凱爲湖廣總督。

凌福彭。粵人。以進士爲戶部主事。不數年爲主稿。張蔭桓之爲戶部侍郎也。凌事之惟謹。一日入直。坐而假寐。僚輩有問之曰。君昨夕未眠乎。何困倦乃爾。凌曰。昨侍張侍郎爲菓子戲。徹旦未寐也。僚輩曰。君昨夕勝負如何。凌曰。凡侍堂官爲戲。豈可求勝。吾謁一夕之力。僅負百金耳。未幾張以事謫戍新疆。行時。部屬往送者至多。而凌獨不往。或曰。君不往。送獨不慮其捲土重來乎。凌笑曰。屆時吾自有術。凌後以京察授天津河間兵備道。事袁世凱。亦得其懽心。未幾擢順天府府尹。最後授直隸布政使。

自攷察政治五大臣回國後。有朗潤園官制之會議。與議者除五大臣外。有各部尙書。時袁世凱至京。亦奉旨與議。是時瞿鴻禨以協揆外務

部尙書兼軍機大臣。與袁氏素持異議。故會議場所通過者。與上諭所宣布者。每多不符。如原議各部設大臣一人。副大臣二人。又戶部爲財政部。管理郵電鐵路之部爲交通部。而上諭所發表者。仍爲尙書侍郎。財政部則爲度支部。交通部則爲郵傳部也。

李鴻章督直近二十年。其奏疏函札。多賀縣于式枚所屬稿。式枚爲番禺陳澧弟子。顧陳爲小學專家。而于則詞藻華瞻。鴻章七十賜壽。其謝恩摺亦于所擬也。爲一時所傳誦。其警句云。三十年爲世。受恩獨久於諸臣。五百里近畿。拜賜常先乎羣牧。于後爲廣東提學使。旋擢侍郎。曾充攷察憲政大臣。赴德。未幾歸。民國紀元。卜居崑山。于於朝章掌故。獨習。其日記多載近人軼事。於袁世凱深致不滿。多冷雋微詞。有言之於

袁者密遣人竊其橐。去焚之。性儉約。所居一室。環堵蕭然。所有瑣事。得躬親者。不假手僮僕也。

庚子拳匪亂作。李鴻章由粵督調爲直督。與聯軍議和。鴻章至滬。駐節粵人劉學詢宅中。義大利公使某初至華。來謁。謂鴻章曰。今方兩宮出走。公勛業照耀東亞。何不自稱帝乎。時鴻章子經邁侍側。鴻章徐顧經邁而言曰。君觀此兒。堪以繼業傳統乎。言畢一笑。

拳匪亂定。清廷銳意求新。授張百熙爲管學大臣。百熙特聘桐城吳汝綸爲大學堂總教習。加五品卿銜。汝綸至。固辭。謂百熙曰。今之可謂學者。昔日之學所可比擬。汝綸老矣。於新學素所不習。公宜聘通達科學者主其事。至於古文詞章。汝綸或有一日之長。然唐之韓柳。宋之歐蘇。

何嘗待國家歲費巨金設學而後出也。其識見超越流輩，不自滿假，有足多者。嗣奉命東渡歸國，不久而卒。汝綸父元甲，以廩貢生授讀於湘鄉曾氏。汝綸乙丑成進士，授內閣中書，入曾國藩幕。曾故以知州宦直，歷任深冀兩州，有惠政。棄官後，李鴻章聘主保定蓮池書院，爲蓮池山長者十餘年。直隸文風不振，汝綸循循善誘，畿輔文風因之以盛。而深冀兩州尤多俊材，世比之於文翁之化蜀云。

趙秉鈞，豫人。其來歷不明，亦不自知其姓氏。姓趙者，百家姓之首一姓也。名秉鈞者，意取將來爲國柱石宰衡也。生辰爲正月初一日子時者，歲首第一日第一時也。光緒戊戌，爲天津縣捕廳。袁世凱爲直隸總督，乃報捐道員，主警政。民政部始設，袁薦之爲侍郎。袁爲載灃所驅，趙仍

在都善自韜晦。每好談金石書畫。辛亥袁氏再起。趙實參預機密。驅載澧。迫隆裕后下遜位之詔。皆趙一人所主張而執行之者也。民國元年。宋教仁以農林總長至都。一見傾蓋如故。趙有烟癖。二人時相過。從一榻橫陳。暢論政治計畫。彼此均相見恨晚。宋謂人曰。袁慰庭幕中有雄才大略深謀遠慮之趙智庵。吾黨尙無此才也。趙亦謂革命黨中如宋遜初者。其才不世出。餘子不足數也。民國二年。教仁在滬橫遭狙擊。卽趙之陰謀。趙有屬吏曰洪述祖。洪亮吉裔也。與滬上無賴子多舊交。武某之行刺。實洪所主使。教仁死。洪逃往青島。未幾就捕。送京伏法。趙後爲直隸都督。先是天津警廳某甲吞軍裝款。爲數至巨。趙就職後欲按其事。某甲懼。進毒焉。而斃。無子。身後遺產僅值十數萬元。

袁世凱督直所用豫人趙秉鈞外有張鎮芳袁乃寬張爲袁之戚屬以進士起家任長蘆鹽運使積貲甚厚與張勳同創鹽業銀行故民國六年復辟以上諭發表鎮芳爲度支部尙書乃寬豫人而非項城籍以末秩供差初名爲克寬袁見之曰汝名克寬究何用意是否欲以此影射吾之子姪乎乃寬懼乃更名乃寬民國肇造乃寬爲總統府之軍需處處長每日稱爲總長張弧長鹽務署乃寬包辦豫屬汝光十四州縣鹽務復與西安將軍陸建章交結營運烟土積資近千萬曹錕時代曾一度爲農商總長長子某隨張宗昌民國十六年死於山東次子某好揮霍乃寬所畀之財每不饜其欲時倡家庭革命直呼其父爲貪官汚吏云。

民國三年。袁世凱設政事堂。以徐世昌爲國務卿。時徐家居。將入都就職。有人觴之於酒樓中。座客有華世奎。華善飲。酒酣。忽謂世昌曰。公爲東三省總督。已將三省斷送。茲者入都。幸勿斷送中華民國也。華亦天津人。舉人。內閣中書。曾任軍機處章京。

袁世凱將稱帝時。湘潭王闓運至都。袁以闓運爲一國耆宿。特訪之於其旅次。闓運晚歲。旁無姬侍。惟一老傭婦周氏爲之執役。跬步不離。袁至。闓運爲之介紹於周氏曰。此袁甲三大人之四孫公子也。

民國四年。袁氏帝制業已萌蘖。一日孫寶琦。段祺瑞。楊度。施愚等在寶琦私宅中爲竹林之游談。次。楊度謂袁氏初無此意。其長子克定時。時建議。故袁爲所動。今木已成舟。恐無從挽回矣。段作色曰。此何等事。乃

聽兒言使吾有此兒。立撲殺之矣。孫段不久俱棄官去。爲袁氏奔走者。獨楊度耳。

袁氏既稱帝。明令以趙爾巽、張謇、徐世昌、李經羲爲嵩山四友。李經羲聞之告人曰。此所謂革職永不敘用者也。吾自是不得復入仕途矣。經羲爲鴻章從子。光緒中葉。以報效海軍巨款。授四川道員。陳臬開藩。撫滇撫桂。最後爲雲貴總督。民國三年入都。時長烟酒署之鈕傳善、長蘆鹽運使之陶家瑤、浙江鹽運使之胡思義。皆經羲所汲引也。黎元洪初任總統時。段祺瑞爲議員。所不容去職。經羲繼爲國務總理。兼長財政。就職未十日。張勳復辟。經羲狼狽出京。

民國軍閥。皆由當日李鴻章舊部孳乳而來。髮捻兩匪既已底定。李鴻

章爲直隸總督。治軍仍歸節制。駐紮於天津甯河兩區。周盛波周盛傳兄弟最爲知名。皆當日驍將也。光緒十年。吾國與法國有越南之爭。鴻章募聘德國軍官十數人來華。籌畫戰事。洎與法國議和。無所用之。乃分遣各營以爲教員。彼見吾國軍事多不可者。時言改革。各將領惡而逐之。鴻章謀所以安插此十數人者。於是乃有武備學堂之設。其來學者。多年踰四十位。已至參副將或總兵者。不特德語所不諳。乃至國文亦非所習。授課時以通德語若廡昌者爲繙譯。夫陸軍一業。英法德意諸國。大抵皆童齡就學。戰術輜略之外。必於算學測繪格致化學各科學皆所熟習。乃可以卒業。今者以年力就衰之人。重譯而習。即使十分攻苦。所得能有幾何。由是言之。其所造就從可知已。再後則有小站保

定兩校之設。光緒季年則有特派赴東入日本成城及士官學校者。凡上述者皆陸軍學校出身也。如王士珍、段祺瑞、馮國璋、曹錕、盧永祥、吳佩孚、靳雲鵬、田中玉、楊善德、陳光遠、王占元、齊燮元、孫傳芳、徐樹錚等皆是也。至於張勳、姜桂題、倪嗣冲、張作霖等則非學校出身。故當日袁世凱號之爲野鷄軍人云。王士珍、段祺瑞、馮國璋三人年長資深。在渠輩中爲先進。世謂之爲龍虎狗。王龍、段虎而馮狗也。張之洞爲兩湖總督。亦有陸軍學校之設。而由其出身之將領除吳祿貞、哈漢章、蔣雁行外鮮知名者。

吾國海軍自同治丙寅丁卯間。左宗棠、沈葆楨於福建省城之馬江設船廠。建築船塢。設立前後兩學堂。招攷寒酸子弟肄業其中。前學堂由

法人授造艦等藝術。後學堂則由英人授航海戰術及槍砲等學。光緒紀元。派兩學堂之畢業優生分赴法英兩國攻習高等藝術。并資實地練習。後學堂學生赴英。後入英之格林尼次海軍大學。亦有派赴地中海及海襖英國艦隊中當差者。前學堂學生則入法國著名船廠及製造廠。四五年後歸國。時沈葆楨病故。江督任上。而李鴻章爲北洋大臣。方起北洋海軍。招之北上。北洋新購鎮遠定遠兩鐵艦。致遠清遠。經遠來遠四快艦。皆以渠輩爲艦長。北京設海軍衙門。以醇親王奕環爲首席。李鴻章爲會辦。甲午之役。全軍燬焉。王文韶爲直隸總督。收集餘燼。添購飛鷹飛霆兩獵艦。嗣又購海天海圻兩快艦。海容海籌海琛三巡艦。又魚雷艇數艘。榮祿督直。以葉祖珪爲統領。薩鎮冰副之。宣統

二年設海軍部。以載洵爲大臣。薩鎮冰副之。泊民國肇建。又添購肇和英瑞兩艦。於艦隊設總司令。於北京設海軍部。十六年。張作霖自爲大元帥。廢海軍部。設海軍署。隸軍事部。設一次長司其事。是時海軍除渤海艦隊外。悉數在南。不受節制也。

光緒初年。天津亦有水師學堂之設。學堂居東營門外東機器局中。分駕駛管輪兩部。光緒十六年。江督劉坤一亦設水師學堂於南京。泊海軍衙門既立。北京亦有昆明湖水師學堂。以天津水師學堂畢業生陳保泰等爲教員。肄業者皆旗籍。天津以拳匪亂故。東機器局爲法人所佔據。學堂因以停辦。而烟台之學堂始立。今之海軍將領大都由上列各學堂出身也。

世皆稱梁士詒爲交通系之首領。而不知其系之成。實得唐紹儀之助力。窮流溯源。唐實交通系之鼻祖也。士詒三水人。以編修試經濟特科第一。是時梁啓超逃亡海外。有言之於政府者。謂士詒爲啓超之從兄。故士詒無所遇。袁世凱督直。以唐紹儀爲謀主。凡膏腴要區。如津海關道。如京奉鐵路。非唐所推轂者。莫能染指。而盤踞之者。如梁如浩。蔡紹基。周壽齡輩。皆紹儀之里人。而與紹儀同學於美洲者。也是時袁氏雖擁莫大權力。北京政界中之以科名起家者。其勢力亦未可侮。紹儀知之。故渠輩中如願屈身入黨者。紹儀亦樂爲援引。於是陳昭常。張蔭棠。梁士詒。龍建章。葉恭綽等。亦嶄然露頭角於光緒之季年。鐵路電政大利所在。世凱既完全收入掌握中矣。不幸北京政府復有中央集權設

立專部之事。乃以張百熙爲尙書。唐紹儀朱寶奎爲侍郎。百熙袁氏之姻婭。唐朱皆袁氏私人也。皆世凱所授意於奔勳而得之者也。未幾士詒爲五路總管。郵傳部左參議矣。葉恭綽以僉事爲承政廳廳長矣。士詒等旣手握交通大權。乃分植其黨羽於各路局。故當日各路總辦。強半爲其里人。而分佔鐵路上次要及小位置者。大都皆粵人也。蓋自是而交通系之基始立。民國元年。唐以來南議和。與袁氏失感。棄官南歸。但士詒是時羽翼已成。唐雖去。士詒仍無恙。袁氏稱帝。士詒未必表同情也。以五路參案故。不得不助之進行。袁死。士詒乃出走。洎段祺瑞由馬廠興師。人都握政權。任用曹汝霖陸宗輿等。聯絡日本軍閥內閣。借西原龜三巨款。鍊邊防軍。交通之權。乃爲曹陸所攫奪。故曹也。陸也是。

時有新交通系之目焉。比年以來軍閥用事。葉恭綽雖繼起一再長交通。崦嵫之日而已。何救於其系之衰亡也哉。

徐世昌天津人。進士授編修。寂焉無以自見。袁世凱督直爲幕賓。以袁薦。洊擢京堂。待郎。民政部尙書。東三省總督。其爲軍機大臣也。袁世凱以四十萬金賂。奔勳得之。袁氏旣爲載灃所驅。世昌入都爲郵傳部尙書。載灃以錫良爲東三省總督。民國二年。二次革命失敗。袁氏變更約法。設政事堂。以徐爲國務卿。民國四年。袁氏有稱帝之意。世昌知之。乞休。自此爲袁氏所不喜。退休天津者三年。民國七年。段祺瑞諷其議員。舉世昌爲總統。就職未久。段系以有德於世昌。跋扈殊甚。世昌不能堪。乃密召吳佩孚於湖南。以自助。民國九年七月。邊防軍爲吳佩孚所挫。

段氏下野。安福黨羽均鳥獸散。於是世昌復爲張作霖曹錕吳佩孚之
總統。二年。民國十一年。吳佩孚既驅張作霖出關。自保定以電話逐世
昌。初尙留戀。不忍去。至第三次電話至京。世昌恐乃行。今尙蟄伏天津。
擁厚資爲遺老也。

孫寶琦。杭州人。父詒經。官主侍郎。清穆宗之師也。寶琦以蔭生捐道員。
需次直隸。旋出使法德二國。歸授三品卿。爲順天府府尹。未幾巡撫山
東。辛亥革命。乃去職。寶琦兒女成羣。與奔勛。王文韶。袁世凱。盛宣懷。馮
國璋。皆姻婭也。袁世凱爲總統。寶琦曾任外交總長。審計院院長。袁氏
將稱帝。寶琦棄官去。帝制取消。袁氏以長財政。未期月。以中國交通兩
銀行鈔票停兌事。與梁士詒意見相左。憤而又辭職。後爲稅務處督辦。

者近十年。民國十三年曹錕爲總統。以寶琦爲國務總理。時王克敏長財政。與之相厄。言於曹錕。奪其稅務處。以畀高凌霨。寶琦無如之何。未幾。求去。寶琦公廉。爲東撫卸任時。署藩司。張廣建循列。以八萬金呈進。不受。爲國務總理。曹錕知其貧。命李彥青以三萬元爲餽。亦固辭。自失稅務處後。舉債爲生。近已南歸。

周自齊山東人。其兄世宦粵。自齊生於粵。故亦謂之粵人。少入同文館肄業。光緒二十二年。伍廷芳使美。挈之爲使館學生。未及一年。擢三等參贊官。嗣又從梁誠使美。代理出使。美日祕大臣。光緒季年歸。旋充外務部丞參。上行走。民國肇建。袁氏以自齊爲度支部首領。歷長農商交通財政各部。自齊與唐紹儀。梁士詒輩爲諗交。故世亦謂之爲交通系。

中人性好色。於天津妓院中見鼓姬王喜順。以重金取之。寵擅專房。在都趨公入直。每與之偕。都下各部之有婦女蹤跡。自是始。民國十一年。梁士詒爲吳佩孚所不容。去職。徐世昌乃命自齊長教育。兼代國務總理。是年秋冬之交。自齊赴歐。不數月歸。途至香港。與朋輩爲狹斜游。染惡瘡。至京。入德國醫院醫。施以手術。且戒其勿近女色。十數日後。傷口已略平復。喜順往視之。自齊情不自禁。違戒與交。傷口遽裂。醫見之。怒曰。君行年五十。尙以性命爲兒戲乎。此誠吾意料所不及。君休矣。速去。勿留。吾無能爲役也。回寓未數日而卒。無子。以弟某之子爲嗣。喜順不久亦去。近與廬永祥子某結識。已同居矣。

周學熙皖南人。父馥。李鴻章屬吏。以微秩洊擢道員。任天津海關道。升

授直臬川藩直藩。拳匪亂後。不久授東撫督粵督江。被議去官。學熙席其父餘蔭。以道員需次直隸。善居積。擁厚貲。而天性刻覈。爲世所僅見。民國元年冬。袁氏爲總統。以與其父有舊。命長財政。五國善後借款。卽其所經手也。民國二年秋。熊希齡組閣。兼長財政。學熙乃去職。民國四年。袁氏欲稱帝。復以周長財政。財政部鹽務署向無冗員。學熙旣再長財政。乃派行走會辦幫辦多員。每月支薪二三百元等不等。財政部鹽務署之有會辦幫辦行走等員。自此始。部署經費從而擴張。繼任者繼長增高。變本加厲。故後來財政部薪水一次每月開支至近三十萬元。鹽務署至踰十萬元。未始非學熙作之俑也。袁氏旣稱帝。日本政府令飭橫濱正金銀行將鹽稅餘款扣留。不以發還。周不得已去職。退休復

居天津經營開灤礦務及啓新洋灰公司。儼然一實業大家。

曹汝霖上海人。少時入上海廣方言館爲學生。庚子後赴日本游學。甲辰歸國。留東學生廷試以主事入外務部供職。袁世凱由直督入都爲外務部尙書兼軍機大臣。特識拔之。不數年擢丞參侍郎。袁氏爲總統以爲外交次長。未幾卽長外交。張勳復辟失敗。段祺瑞組閣。又復歷長外交。交通財政當是之時。日本寺內執政爲軍閥傀儡。段氏在北京與之遙遙相應。汝霖爲借西原龜三之巨款訓練邊防軍爲世所戟手唾罵。平心言之。汝霖辦事尙畏清議。一切不專爲私利計。且時亦顧全大局。與其友陸宗輿不同。世以與曹陸並稱。固亦汝霖之不幸也。蘇佩秋者。趙女入勾欄爲倡。風流放誕聲聞一時。曾與蔡鍔所眷之小鳳仙同。

隸一院營業。年近三十，尙未適人。汝霖邂逅之於飲博場中，悅之，迎歸同居。佩秋歸曹氏後，與所懽南皮張氏子某，仍時時往來，且常揮金爲贈。一日，張某持一巨額支票，向一銀行取款，款巨，銀行例須向出票人再求證明。汝霖答以此票爲人所竊，囑銀行將取款者扣留。張某告銀行曰：煩爲一詢曹君。此票何由而至吾手，無須扣留。吾在此候曹君親來一談也。銀行當以其言代達。汝霖亦悟其爲佩秋所爲，不欲根究。聽其支取現款而去。佩秋未幾下堂去。曹錕在京時，與陸軍總長陸錦結識。馮玉祥潛師回京，陸逃歸天津。佩秋至今尙流落京津間。

陸宗輿，海甯人，亦日本留學生也。光緒季年至京，兼充憲政編查館法部度支部各項差使。後隨徐世昌赴東三省。世昌以陸主鹽政，東三省

鹽務向無成規。一切皆草創也。陸經營數年。大有所獲。熊希齡由東三省財政監理官授鹽運使。陸乃去職。入都。內閣改組。授印鑄局局長。袁氏爲總統。以陸爲駐日本公使。段祺瑞爲邊防督辦時。陸已卸任回國。聯曹汝霖爲向日本借西原龜三款數萬萬元事。成。汝霖特設幣制局。自以財政總長兼督辦。而以陸爲總裁。素工心計。遇事喜運籌帷幄。不願適當其衝。匯業銀行之初成立也。陸存有巨款。以博厚息。近年營業不振。其款已悉數提去。人無不服其精覈。云鍾世銘兩度長鹽務署。皆得其助力。近年以來。篤信鬼神。供奉呂純陽。敬謹備至。或云此所以懺悔昔日之罪孽也。

周樹模。天門人。以編修遷御史。劾江督魏光燾。光燾因以左遷。徐世昌

以袁世凱薦方駿駿向用。交驩台諫。以周爲其同年進士。特與親昵。徐爲攷察政治大臣。周爲參贊。回國授江蘇提學使。未赴任。東三省官制改革。世昌爲東三省總督。以周爲左參贊。是時段芝貴。新授黑龍江巡撫。爲御史所劾去職。周乃巡撫黑龍江。袁世凱爲總統。周爲平政院院長。徐爲總統時。周欲繼段祺瑞爲國務總理。顧徐雅屬意於錢能訓。周知之。求助於吳佩孚。吳時駐軍湖南。適徐亦遣人持其手繕書抵吳。存問吳延見。少頃。周之賞函人繼至。吳亦延入。賞函人不知坐客爲徐所遣來者。逕呈周函。具道所以。吳一笑置之。徐所遣人回京後。備述之。徐怒而徐周之交以渙。

楊度湘人。少及湘潭王闔運之門。及壯。東渡游學。光緒季年。有譽之於

北京政府要人者。乃招之至京。授四品京堂。內閣改組。授內閣統計局局長。宣統辛亥。川鄂事起。各省響應。奔飭輩大恐。是時朝之名公巨卿。於日本留學派別歷史毫無所知。俱以爲楊留東久。凡屬革命黨人。皆其舊交。得其一言。卽不中止。亦可和緩。乃派楊賚巨額之款。赴滬游說。楊領款南行。不得當而歸。民國四年。袁氏急欲稱帝。楊乃建議先設籌安會。以爲中國是否宜於民主。或仍宜爲君主之研究。未幾天下羣起反對。帝制復行。取銷。袁死。楊匿跡銷聲者十年。張宗昌之督魯也。楊與交驩。追隨張宗昌者近三年。宗昌敗。楊亦逃去。民國四年。楊於天津遇揚州女子花雲仙。是時楊方擁厚貲。揮金如土。與雲仙同居者一年。籌安會散。雲仙亦他適。

薩鎮冰閩人。少聰慧過人。入馬江船廠之後學堂。習航海測量槍砲等學。光緒紀元赴歐。攻習高等海軍科學。於英國之格林尼次海軍大學。歸而應李鴻章之招。赴津。爲北洋水師學堂之教員者數年。黎元洪其執業弟子也。後復入海軍艦隊。爲康濟通濟艦長。海軍旣受挫於日本。江督劉坤一震其名。以爲吳淞砲台統領。公性廉儉。俸糈所入多以佐公款之不敷者。當是之時。吳淞市政不振。道塗蕪穢。鎮冰所得俸糈。挪以爲修路之費者。近萬金。王文韶榮祿先後督直。重整海軍。有言之於榮祿者。薩入見。榮祿見其貌不揚。乃以舊日靖遠艦長葉祖珪爲統領。而薩鎮冰爲副。旋授廣東南澳鎮總兵。擢廣東水師提督。宣統二年設海軍部。以薩爲副大臣。民國肇造。授上將軍。六年長海軍部。是時畿輔一

帶年比不登飢民多至京求食薩每日恆易銅元數千枚以賑之且招集其兒女至其私邸中親與爲迷藏之戲一日薩欲赴國務院會議難民蠶集門前路爲之塞不得已另闢一後門出蘄雲鵬去薩兼國務總理未幾求去最後爲福建省長近已退休薩雖衰老於世界最新海軍制度及最新式砲械製造無不習熟海軍後輩軍官尠有及之者。

劉冠雄閩人馬江後學堂畢業生光緒十一年派赴英國游學歸國後爲靖遠副艦長光緒壬寅癸卯間葉祖珪派以爲海天艦長海天遇霧觸礁沉沒法當發往軍台效力贖罪袁世凱督直專摺奏請留直效力嗣派爲德州兵工廠廠長袁世凱爲總統以冠雄爲海軍總長民國二年海軍部與奧國某廠訂約購艦所得回扣近百萬元其子某向爲德

商泰來洋行帳房。乃聯合德商。以其款經營天津地產。未幾歐戰發生。德商調款能力盡失。其子乃獨力支撐。而是數年中。金價低落。其租與美國兵房所收租金。所得不及預計之半。遂大失敗。而冠雄未深知之也。袁死冠雄去官。民國六年。段祺瑞自馬廠討逆。迎馮國璋爲總統。冠雄復長海軍。後與段系失感去官。十一年。黎復入都爲總統。與冠雄有舊。授爲海疆防禦使。駐紮廈門。防禦使本駢枝機關。無所事事。未數月。退休天津。

繼劉冠雄而長海軍者。有程璧光。有李鼎新。程香山人。亦閩廠後學堂學生。精駕駛術。光緒丙申。孫中山在粵蒙難。粵省地方官以程與中山雅故。捕其家屬監禁之。數年後乃得釋。民國六年。程爲海軍總長。張勳

復辟程赴滬以海圻軍艦載中山回粵。未幾粵省政變程被戕於海珠島中。李鼎新亦閩人。與劉冠雄同學。會長飛霆海籌各艦。民國四年爲海軍總司令。性怯懦吝嗇。十年梁士詒組閣托其鄉人鄭某向士詒達其願長海軍之意。鄭某者士詒之姻婭也。長部後無所事事。部務一切其權由其戚串黃某高某操之。至於艦隊方面。是時杜錫珪爲總司令。李更無指揮之能力。直系當國李仍留任。自李長海軍。財政部所撥款項多以之開銷祕密等費。以自肥。而其戚屬在部掌會計者。有積貲至二三十萬金者。至於部員薪糈積欠不發者。累月累歲焉。李固不卹也。龔心湛合肥人。其世父照瑗曾任江蘇蘇松太道。後爲出使英義比國大臣。心湛隨赴英爲隨員。光緒丙申孫中山在粵起事不成。赴英。照瑗

知其英也。蜜令繙譯官粵人鄧某誘之入使署拘禁之。中山友英人醫士某言之於英外部。外部向照瑗詰責。照瑗不得已釋之。時心湛亦在英也。回國以知府需次粵垣。擢道員升粵臬。民國四年周學熙再長財政。以心湛爲鹽務署署長兼稽核總所總辦。民國五年周去職。心湛亦去。民國七年段祺瑞爲邊防督辦。心湛長內務財政。民國九年兼代國務總理。段氏失勢。心湛亦去職。民國十三年段氏入京爲執政。心湛長交通。次年段爲鹿鍾麟所驅。心湛亦去。性好投機事業。損失不貲。曾任江西督軍陳光遠其姻婭也。以十萬元助之。否則破產矣。

李士偉天津人。前清道員。民國初年周學熙龔心湛等創立中日實業公司。士偉與周龔交厚。入公司爲董事。徐世昌爲總統。曾一度命長財。

政士偉不敢就職其弟士炯。民國十五年以末秩在青島供職。是時畢庶澄駐軍膠東。士炯曲意事之。得其懽心。畢以士炯兼軍需科。手握軍財權者近一年。畢自滬上逃歸。爲褚玉璞所殺。士炯提軍需存款約三百萬元以行。赴大連爲寓公。

段芝貴合肥人。與祺瑞同姓而非宗支也。光緒十九年。李鴻章子經方出使日本。段隨之俱東。爲使館學生。袁世凱督直。段報捐道員充陸軍各差。東三省官制改組。袁氏薦之。以道員署黑龍江巡撫。爲御史趙啓霖所劾。啓霖去官。而段之撫江上諭亦從以撤銷。先是奔劄子載振在津。見女伶楊翠喜而愛之。段知之以重金爲載振取之。段之被劾。此其重要一款也。民國肇造。段爲湖北將軍。袁氏以其父日燧與已輸誠之

鬻匪某某等有舊。調之爲奉天將軍。未幾回京。段祺瑞當國。以爲衛戍總司令。民國九年。皖直之戰。祺瑞以芝貴爲前鋒司令。其怯懦實所僅見。皖系敗。岨芝貴逃去。匿居天津。不數年卒。其弟永彬曾任長蘆鹽運使。調兩淮鹽運使。永彬以空棺多具。滿載烟土。由津浦鐵路運送。有言之於江蘇督軍李純者。李遣人扣留而沒收之。民國十六年。張作霖入都。以永彬纒苻定一。爲財政次長兼鹽務署署長。日侍張博。永彬好利。博時不得張之歡心。張怒。免其職。以朱有濟代之。永彬善居積。芝貴身後遺貲亦由永彬爲之經營管理也。

曾毓雋閩人。以舉人報捐知縣。需次順天。曾任良鄉宛平等縣知縣。被劾去官。其參疏攷語。有行縱飄忽來去無常等語。蓋紀實也。光緒季年。

段祺瑞爲江北提督毓雋以革員投效供職辛亥川鄂事起。祺瑞爲湖廣總督毓雋隨之赴鄂。民國肇建以段薦爲京漢鐵路局局長。民國六年張勳自徐州會議竣事帥師入都復辟。祺瑞嫉之遣毓雋赴馬廠說李長泰使興師。長泰許諾段乃誓師入都討之。張勳敗逃入東交民巷荷蘭使館中。祺瑞於是迎副總統馮國璋入都爲總統而自爲國務總理。以毓雋爲交通次長嗣後繼曹汝霖爲交通總長。手握鐵路電報利權者二年是時中央威力未替。五路收入除行政經費外年不下一萬萬元。其支配方法。毓雋一人主之。不公開也。祺瑞旣與國璋不睦。乃諷其安福議員舉徐世昌爲總統。未幾與世昌復有違言。而與直系曹錕吳佩孚等交惡。時吳佩孚新自湖南帥師北歸。皖直之爭已如矢在弦。

上矣。有勸祺瑞不宜開戰端者。而毓雋主戰獨力。卒爲吳佩孚所挫。毓雋乃與其同黨逃匿日本使館中。年餘。又逃赴滬。民國十三年段入京爲執政。毓雋至是運籌帷幄。不再長部。十四年馮玉祥遣人執之。拘留司令部中。後以巨金賂監者。乃得脫。近仍往來天津大連間。毓雋前與其甥女陳李氏通。毓雋長交通時。陳李氏放蕩自恣。揮霍無藝。毓雋聽之不稍加拘束也。逮由日使館逃赴滬後。遇揚州女子花雲仙。惑之。訂婚嫁焉。陳李氏之寵始替。雲仙本倡家女。前與楊度結識。袁氏帝制失敗。楊氏出亡。雲仙亦他適。至是改名爲陳文悌。毓雋最後隨段至都。雲仙與之同居。一二年間。所攫毓雋之金。殆數十萬金。段爲鹿鍾麟所驅。毓雋出京。雲仙又琵琶別抱矣。

軍閥之結合也。大都以利其散也亦然。段祺瑞爲邊防督辦時，有洋商某以無綫電求售，并允爲政府墊款數百萬元，此外尙有私款分餽當局及經手人，以爲酬勞。有王銳者爲之犇走，爲掇客焉。是時曾毓雋方長交通。王乃日夜犇走曾氏之門，曾已首肯而不能得陸軍總長靳雲鵬之同意。王知之乃託靳之業師林某向靳先容，靳亦許諾。其合同乃由交通部咨送陸軍部蓋印署名。陸軍部復以咨回交通部。毓雋之從叔某通英文，欲專其利，逕持兩部已蓋印之合同，親詣該洋商接洽，將其酬勞金數十萬元悉數取去，而靳之方面所希冀之一部份，因以無着。民國九年皖直之爭，此亦一小原因也。

軍閥中人，大都出身至微，及其貴也，於舊日遇之有恩者，往往盡情報

答。向人稱道不衰。曾任吉林督軍孟恩遠。二十年前一傭工也。天津天寶妓寮搗婦某氏。常謁卹之。逮孟爲督軍。每邀朋輩至天寶飲博。晤某氏時。輒屈一膝爲禮。告人曰。此吾大姊也。某氏雖操賤業。善居積。有聲天津北里間。今年已六七十矣。

王克敏杭州人。父存善。曾任廣東南海縣知縣。有能吏之名。後爲粵督岑春煊所劾。革職。克敏以舉人報捐道員。初爲留日本學生監督。回國後赴津。宣統間爲直隸交涉使。民國六年。張勳復辟失敗。馮國璋入京。爲總統梁啟超辭財政總長之職。馮以克敏繼之。馮卒。克敏亦去位。與研究系有舊。乃入中國銀行爲總裁。曹錕爲總統。克敏復長財政。民國十三年十月。馮玉祥潛師自密雲回京。卽夕遣人至城西石老娘私宅。

捕之。克敏從複道中走出，匿舊蓮子胡同某友家中。次日乃飾爲日本兵士逃匿東交民巷某外國銀行中。未幾又逃赴天津。克敏性精覈而豪侈，樗蒲一擲萬金。黃陂女子小阿鳳幼入勾欄爲倡，克敏眷之以三萬金。迎歸。民國七八年間，吾國各紗廠均獲厚利，克敏集股設裕大紗廠於天津，營業不振，幾破其產，困苦時乃至鬻其父所藏舊刊本書籍以自給。

民國十三年十月初旬，吳佩孚親赴榆關督師。二十三日國務總理顏惠慶入院視事。時加午，祕書長孫潤宇前來告顏曰：「卽頃日本公使芳澤謙吉電招前赴日館午餐，須卽去，請顏稍候。」下午二時許，孫已回院。顏問曰：「今日座中尙有何人？」孫曰：「僅館員三數人便飯，無他客也。」顏又

問曰。談次有聞何項前敵消息否。孫曰。并未談及。但飯後大家散步園中。芳澤指閱各處房舍。并略述某處某房。昔日安福黨人某某等之所曾居。最後芳澤問晤及王闌亭否。答以今日尙未晤及。芳澤因言便中不妨爲告蘭亭。此間房舍幽寂。如用得著。彼必十分懽迎。此外無他語也。顏聞之殊不注意。是夕馮玉祥潛師自密雲回京。遣人將曹錕監視兩城通衢。均派軍隊把守。斷絕交通。顏始悟芳澤之言爲有因也。

張弧。蕭山人。其父以鹽大使需次閩中。弧亦以知縣在閩。聽鼓鬮得保升。同知知府。充財政局提調。佐布政使連甲整理厘金比較。嚴定州縣交代賞罰章程。閩省財政從有起色。同知呂渭英嫉之甚。適連甲將入覲。需款甚殷。呂知之。謁連甲。歷陳籌畫私款方法。且言若張弧仍爲財

政局提調則一切無可爲者如去之。願爲代籌。連甲以爲然。具呈閩督嚴劾之。閩督據以入奏。革其職。張乃赴遼。依吉林度支使陳玉麟。熊希齡爲東三省清理財政監理官。見而異之。熊爲東三省鹽運使。乃昇以運署要職。民國元年。熊長財政。以張爲長蘆鹽運使。未幾調兩淮鹽運使。民國二年。熊希齡組閣。兼長財政。以張爲財政次長。兼鹽務署署長。時善後借款成立。吾國所聘稽核總所。會辦英人丁恩新視事。丁本鹽政專家。與張共籌鹽務改革計畫。二人相見恨晚。時中央政府有統一能力。令行禁止。每年鹽稅由二三萬兩。至是增至七八千萬。元。民國四年。周學熙又長財政。忌之。進纔於袁世凱。免其職。以龔心湛代之。未及一年。袁氏帝制失敗。周學熙去位。孫寶琦爲財政總長。仍令張爲鹽務

署署長。張不敢就職。民國七年徐世昌爲總統。復令爲鹽務署署長。九年靳雲鵬組閣。以潘復爲鹽務署署長。乃調張爲幣制局總裁。十年冬。梁士詔組閣。以張長財政。發行九六鹽餘公債九千六百萬。爲吳佩孚所不容。張不得不去職。鍾世銘乃以財政次長鹽務署署長兼代部務。先以九六公債一部份計三千數百萬元發給日本債團。其餘仍發行於津滬市面焉。言用身棄。或以比之漢之賈長沙云。民國十二年以曹錕之薦。復長財政。是時碌碌無以自見。未三閱月。又復去職。自是退休天津。張好博。故歷處膏腴。今仍無以自存。

李思浩。慈谿人。以舉人爲度支部主事。民國三年爲鹽務署場產廳廳長。五年張弧復長鹽務署。不敢就職。薦李自代。七年龔心湛長財政。調

爲管部次長。龔去。升長財政。段祺瑞與吳佩孚戰敗。安福黨人如鳥獸散。李亦去職。逃匿東交民巷道勝銀行中者年餘。嗣遇赦赴津。段祺瑞以政治爲生涯。用款無藝。李犇走津滬間。爲之籌措。有時且以私款濟段之用。其於段也可謂忠矣。十三年冬。馮玉祥不受吳佩孚節度。潛師自密雲回京。與張作霖共迎段至京爲執政。李於是復長財政。旣就職。乃率同沈瑞麟。章士釗等結金佛郎懸案。爲世所詬病。李素寅畏小心。遇事每多疑慮。顧忌。其不憚清議。毅然爲之者。殆如原巨先所云。不幸一爲盜賊所污。遂行淫失。知其非禮。不能自還也。十四年冬。又去職。避居東交民巷桂樂第中。馮玉祥以其在任時撥款尙勤。屢遣人勸之再出。李弗從。至今尙蟄居津沽也。

王祝三天津人。本無賴子。執賤役。後積微貲爲母財。犇走天津奉天間。爲投機事業。年有所獲。袁世凱督直。倪嗣冲以道員需次天津。一夕於博場中負巨金無以爲償。王亦在場。知其爲嗣冲也。遣人至北大街某錢莊。取莊票萬金付之。毫無吝色。倪大感動。自是與爲莫逆交。民國初年。倪爲安徽都督。其京津財政皆由祝三操之。持籌握盈。積貲累數百萬。徐樹錚亦與交厚。爲之先容於段祺瑞。祺瑞亦喜之。段氏爲邊防督辦時。每財政總長有缺。祝三呼聲均高也。段氏爲吳佩孚所挫。其黨羽多逃匿日本使館中。祝三則匿居北京東單牌樓日本扶桑旅館中。未幾以巨金倩人以裝炭竹筐盛之。運往天津。不久東渡日本地震死焉。民國財政支出一次。以軍費爲最巨。袁世凱爲臨時總統時。每歲支出

已踰二萬萬元。自是以來，繼長增高，莫可究詰。至於今日，即陸軍財政兩部亦未必有其確數也。其隸中央各師旅之餉項，例由陸軍部向財政部請領轉發。自民國九年以後，各師旅自向財政部直接具領。陸軍部不過問也。陸軍部關於餉項之事例，由軍需司主之。此外所需之軍械服裝，亦由軍需司核明。先時備辦發交各師旅領用。九年以前，主其事者爲羅開榜。開榜，段祺瑞之里人。辦事綜名核實，性復嚴毅。方正不可交以私。即商人亦嚴憚之，不敢有所餽獻。民國以來，所僅見也。生平無時俗嗜好。燕居蒔花自娛，不事徵逐。後爲陸軍次長，不久去官。張壽齡，陽湖人。兄鶴齡，曾任奉天提學使。張以知縣需次天津。袁世凱督直，曾署天津縣知縣。袁爲總統，曾一度爲財政次長。徐世昌爲段祺

瑞所擁戴入都爲總統。以張爲煙酒署督辦。自煙酒事務署成立後。歷任總統視爲外府。徐以張充之。其交誼之深摯。從可想見。民國十一年。徐爲吳佩孚所驅。不得已去職。張亦不安其位。民國十三年。吳佩孚由洛陽至京。張久蟄思動。後由津至京。累書上吳佩孚。歷陳籌餉方法。吳一笑置之。未幾吳敗。張無所遇而歸。

段祺瑞爲邊防軍督辦時。曾毓雋爲交通總長。靳雲鵬爲陸軍總長。李思浩爲財政總長。外交次長陳籙。以次長代理部務。時人有句曰。彎腰見客曾雲沛。斜眼看人靳翼青。買辦生涯財政李。洋奴政策外交陳。於曾靳二人描畫曲肖。至於李陳。特就其所主之事。以爲譏諷而已。

梁鴻志。閩人。北京譯學館學生。袁世凱稱帝。供職於大典籌備處。主其

事者爲梁士詒。鴻志以微秩廁身其間，亦薄有所獲。張勳復辟失敗，鴻志復至都。時段祺瑞爲國務總理，鴻志知曾毓雋爲段之心腹，日夜奔走其門，曾以其爲鄉人故，尙優容之。未之信也。曾是時方組安福俱樂部，凡入其黨者，無不立據要津，而貌爲服從首鼠兩端者，俱無所遇。又段雖擁徐世昌爲總統，未幾以爭權而有違言，鴻志心知微旨，一日入總統府，與府祕書吳笈孫論事，故與意見相左，拍案叫詈，語侵徐世昌。曾聞之，乃以鴻志爲參議院祕書長，自是寢假而得參與其機要。邊防軍爲吳佩孚所挫，奉直兩系通緝安福元惡大慙，開單交徐世昌閱定。徐偶記憶及之，因以鴻志名附列焉。於是匿居日本使館者年餘。民國十一年已逃出赴津，而津而之滬，最後赴遼。十三年冬，段氏至京爲執政。

鴻志任執政府祕書長。性喜獵豔而慳吝特甚。任參議院祕書長時。作狹邪游。見韓家潭吳娼麗雲悅而取之。後至滬時。遇花雲仙。雲仙服飾侈靡。需索無度。鴻志不堪命。乃以歸。曾毓雋爲執政府祕書長時。麗雲與御者通。鴻志與之相值。麗雲下堂求去。其母前陝西布政使林壽圖女也。林氏所藏閣相歷代帝王圖。希世之寶也。其舅至京求官。鴻志允爲推轂。而微露其欲得此圖之意。其舅不敢不與。去官後。自赴日本。以此圖求售。日本人給值不饜其欲。竟不得售而歸。

郭則澐。閩人。父曾忻爲軍機章京。近二十年。官至禮部侍郎。與徐世昌友善。光緒季年。世昌奉命赴奉天爲欽差大臣。則澐以父薦爲徐之隨員。回京以道員記名。授浙江溫處道。袁世凱爲總統。則澐以世昌薦爲

銓叙局局長是時各部各省薦舉記名及清補之員。凡非簡任者。列由銓叙局審查其資格。非有學校文憑。或前清曾爲候補候選某官者。俱以無資格論。不得爲吏。其由學校出身者。以文憑其曾報捐。或保獎。至某階者。以部照。或長官之行知。或曾經委員之委扎。扎飭爲憑。辛亥革命。則溥去官回京。未將濫處道之關防繳銷。故無資格。而欲得官者。則溥隨時可以爲繕委。扎扎中書明扎。委某職某事某名。倒騰官統年月。蓋用其未曾繳銷濫處道關防以爲證。凡以此得官者。不計其數。得之者。各有餽獻。自百元至數百元不等。徐世昌爲總統。以則溥爲府祕書長。及靳雲鵬組閣。則溥調爲院祕書長。吳笈孫爲府祕書長。潘復爲鹽務署署長。兼代部務。是三人者。處炙手可熱之地。凡求官求差者。無不

出其門焉。故當日有三公司之日。前清季年。奔助盛時。其煊赫之况尙不及也。則灑性吝嗇而好狹邪游。宣南韓潭一帶。不斷其足跡焉。所眷名妓有小花魁洪素芬。小圓圓謝素雲輩。皆吳姬也。而纏頭之費強半爲其屬官所擔任。小花魁者。無錫女子。初在滬上紗廠傭工。後入青樓。淫蕩妖冶。辯慧能言。至京數年。有聲北里。間則灑絕愛之。期年之間。所揮霍者數萬金。而花魁則別有所戀。其於則灑也。勉爲周旋。未加青眼也。則灑初居馬大人胡同。民國九年購二條胡同新居。福康安之舊邸也。遷入之日。賀者相望於道。是夕華燈滿堂。所招北里中人數十人。小花魁與焉。油壁香車。初到門時。則灑之屬官某迎之入。謂花魁曰。此屋輪奐爲何如者。君嫁郭君。此金屋也。花魁作色曰。君言過矣。女子所嫁

者人也。非屋也。如嫁屋則吾固將擇三海或頤和園而事之矣。則溥聞之。悲甚。不數日遣緹騎以他事捕之。凌辱備至。焚琴煮鶴。固有所不卹也。洎徐世昌爲吳佩孚所驅。則溥亦赴津。於義租界中關一洋房以居。退休後。復時時涉足花叢。以自遣。則溥能詩。近作多所感憤。有門可羅雀之嘆。

內苑門內三海有湖數百畝。入夏荷花盛開。紅白相間。馮國璋爲總統時居之。湖中多魚。皆昔日妃嬪所放生也。馮招商捕之。貨於市。故是年北京魚價獨賤。及徐世昌爲總統。錢能訓爲國務總理。與守護東陵大臣鎮國公載澤有舊。東陵多木。有數百年者。皆良材也。錢與載澤遣人伐之。運津以售。獲利甚豐。故時人爲之語曰。宰相東陵伐木。元首南海。

賣魚錢杭州人。以御史爲奉天右參贊。遷陝西布政使。爲國務總理時。組織己未俱樂部。以與安福俱樂部對壘。不久亦去官。

陸錦。天津人。陸軍學校畢業生。曾任陸軍師長各職。居津。與曹錕等結合。曹錕入京爲總統。以陸爲陸軍總長。在津爲某師參謀。時女伶劉喜奎獻藝天津。有萬人空巷之況。陸愛之。託人爲介與之訂交。一日喜奎所居里門。有兵士直日。見陸自喜奎妝樓出。知其爲陸也。舉槍示敬。陸懼。自是不敢復往。長陸軍時。識蘇佩秋。時與往來。曹錕爲馮玉祥所拘。禁。陸亦退休天津。

蔡廷幹。粵人。光緒初年赴美游學。唐紹儀等皆其同學也。回國後入天津水師學堂習海軍。甲午之戰。蔡爲魚雷艇艇長。寄旋旅順。日本軍艦

驟至。蔡逃去。定讞爲斬。監候秋審。處決入刑部牢。袁世凱督直。奏請以革員留直戴罪當差。及袁爲總統。以蔡爲稅務處會辦。兼在總統府禮官處行走。居此職者逾十年。民國十三年。高凌霨去。蔡繼之爲稅務處督辦。未幾兼任外交總長。民國十五年。張作霖又從關外入京。蔡倉卒間售其屋。盡室以行。赴大連爲寓公。

民國二年。財政總長周學熙與匯豐德華正金匯理道勝五銀行借款二千五百萬磅。以鹽稅爲抵押品。名之曰善後借款。訂有合同。約明中國政府聘請洋員爲鹽務顧問。并充稽核總所會辦。與華員總辦平權辦事。所有鹽款。非由華洋總會辦會同畫諾。不得挪動。而所員如經理協理以下。亦須二人同意。方可任用。以及免職。故當日有鹽務稽核總

所之設。而於產鹽區域設稽核分所專管鹽稅及鹽斤秤放之事。其第一任之會辦爲英人丁恩。丁本英屬印度鹽官。退休在英。應聘來華就職。後不憚勞苦。游歷各產鹽省區。就地調查實在情形。鹽務各項章程。皆由丁與歷任總辦所協議公布施行。民國七年。以年老辭職。薦甘普以自代。甘普亦印度鹽官。繼任後。蕭規曹隨。無所改作。民國十一年。以病去。繼之著爲韋爾敦氏。韋乃英之外交官。於鹽務本非素習。蒞事三載。無以自見。先是韋在天津時。與英商墨林之妻布繞恩氏通。韋善媚內。布繞恩氏絕愛之。韋任公使在歐時。布繞恩氏曾赴其任所。與爲幽會。至是布繞恩氏欲與其夫離異。公然致書其夫。備述愛韋之意。不自諱飾。其夫以其事呈訴倫敦法院。法院出票傳韋赴訊。韋聞之。亟辭職。

回英。繼韋者爲斐立克。本天津順直水利局會計員也。

鍾世銘。天津人。天津大學堂學生。赴美游學歸。民國二年。善後借款成立。以鹽稅爲抵押品。財政部於各省產鹽各區設稽核分所。於北京設稽核總所。鍾乃由其師前直隸提學使傅增湘薦於財政總長周學熙。派爲總所坐辦。英人丁恩應聘來華就職。爲稽核總所會辦。與鹽務署長協議。廢坐辦之職。於總所中設三大股。分司英文法文會計之事。乃調鍾爲鹽務署祕書。民國十年。國務總理靳雲鵬去職。鹽務署署長潘復亦不安於位。是時鍾之鄉人閻澤溥爲吉黑權運局局長。鍾乃夤緣閻氏爲轉求。張作霖致電徐世昌。保薦鍾爲鹽務署署長。既就職。其氣燄不可鄉邇。有母在堂。不仰養者已多年矣。以爲鹽務署署長。故特令

來京爲之祝壽。凡充署之屬員者。雖末職不能無所餽進。其妻乃至其數齡兒女之生日。均由署中庶務科刊印知單。通知京外各屬吏。齊集慶祝。山東鹽運使夏繼泉得其通知書。不之信也。以爲念秧者流。託名斂財。特電北京查詢。鍾亦不自諱飾。計在職半年。此類生辰不計若干次。所收禮物。殆同山積。方安福當國。曹汝霖陸宗輿以親日。能借日本巨款。聞鍾就職後。乃與陸宗輿結合。陸亦利用之。以擴其勢力。於時長財政者爲張弧。以主張九六公債爲吳佩孚所不容。而去鍾。乃以鹽務署署長兼代部務。商之陸宗輿。以三千數百萬元九六債券。撥還日本。贖本家。得酬勞金近二百萬元。故嗣後總所每月放回鹽款時。正金銀行每扣留一部分。以爲償還日金九六公債之用。而發行於中國市面。

者乃獨向隅。民國十一年。張作霖爲吳佩孚所挫。出關。鍾爲衛戍總司令。王懷慶等拘留看管。最後拘禁於司法部看守所中者近一年。乃逃赴瀋陽。十三年冬。段祺瑞入京爲執政。復由陸宗輿轉求楊宇霆。爲之恢復鹽務署署長之職。回任之後。則大派冗員。月增經費數萬元。此新添冗員中。其爲有勢力所請托而來者僅十之一二。其餘皆有其名而無其人者。每屆月杪發薪。鍾以代領爲名。收入私橐。鹽務署經費。每月素定爲二萬數千元。冗員既多。無款支配。則於鹽務放回中向財政部強行截留。以爲支銷之用。總所會辦自丁恩去後。洋員住屋由政府購置。鍾乃援案購屋以爲鹽務署署員住宅。購時則與屋主協商擴張價值。而收其贏餘之利。以上兩宗收入已數十萬元。他項尙未計及也。

鍾懼內。民國十一年春初。有某甲者。亦稽核分所所員也。欲得某岸權運局。自滬特攜一少婦赴京爲贈。租屋於東單牌樓羊肉胡同中。其器用陳設皆某甲爲之備辦。鍾被拘禁後。某甲復至京。逕挈少婦以歸。近數年。鍾於天津英租界購置洋房多所。英工部局以其納稅爲華人中最多者。舉以爲華董事云。

湯薊銘鄂人。兄化龍。宣統間爲湖北諮議局局長。薊銘習海軍。光緒甲辰乙巳間赴法國游學。數年歸。民國紀元。袁世凱以爲海軍次長。授海軍中將。故人每呼之爲中將湯。中將湯者。日本婦科湯藥。運來中國市中求售。各報廣告中所常見者也。三年。袁世凱以爲湖南將軍。袁死。不久亦去位。自是銷聲匿跡者數年。十二年曹錕爲總統。湯復至京。入李

彥青之門冀其爲之先容於曹氏。在京數月無所遇。曹爲馮玉祥所拘。禁湯亦出都。

自曹錕爲總統。李彥青以男寵聞於時。李爲曹之近侍。弄權納賄。馮玉祥以檢閱使駐軍南苑。所部近十萬人。所需餉項軍械。雖有曹命。非得李之諾不可得也。馮潛師回京。卽夕執而拘之。嚴訊數次。飭繳私款近百萬元。最後馮具手摺呈段祺瑞批准殺之。同時內務總長程克交通總長吳毓麟。均以耽溺男色聞。程所眷者爲朱琴心。吳則尙小雲。是二人者皆優伶獻技京津間。朱爲票友。後乃下海。尙藝較優。吳爲之購屋於宣武門外椿樹胡同所居之。

李欽鄂。民國九年爲山東財政廳廳長。未期年罷官。至京。事靳雲鵬。

潘復。是時歐戰未終，中國與德國宣戰。沒收德政府及德僑財產。以李掌其事。潘復去位。李亦去職。性精密善綜核。爲投機事業。每有所獲。游戲飲博。每博亦輒勝。故豐於財。其貌似日本仁丹商標所繪之日本人畫像。朋輩中皆呼之爲仁丹。沈瑞麟貌亦似之。人亦呼之爲仁丹。都下每有宴集。若二人俱在場時。一呼仁丹。二人往往互相推讓云。

民國初年。北洋軍閥實力。當首推張勳一人。張駐軍徐州。各省軍民長官無不與之交驩者。卽袁世凱亦嚴憚之。自袁之死。段祺瑞爲國務總理。未幾爲議員所困。乃求助於各省軍閥。於是有徐州之會議。最後結果。乃爲復辟。段系亦加入焉。張勳信之。入都執行。段出不意。馬廠誓師。入京伐之。張敗逃。入東交民巷荷蘭使館中。雷震春者。復辟時上諭所

發表之陸軍部尙書也。逃犇天津。顏世清遇之於豐台途次。顏以爲得之可以媚段而要功。登車執之。段聞之。殊不悅。曰：任其去可耳。執之胡爲者。不得已乃送入陸軍部看守所中。民國再造。論功行賞。不及於顏。顏連平人。自其父以上五世均曾任布政使。光緒庚子後。以道員需次直隸。陳昭常巡撫吉林。以爲長春道。顏視事後。以道庫款私自營運糧食豆餅失利。虧耗數十萬金。被劾革職。入民國後。未有所遇。民國十五年。張宗昌督魯。顏上書條陳煤捐。張悅使主其事。設局開辦。未幾病故。貧無以爲斂。知交十餘人集三千金爲貨棺衾清宿逋焉。顏所藏書畫甚夥。自奉侈靡。鬻以自給。其宋元真跡強半流落東瀛矣。

張英華衡水人。其父基督教牧師也。英華少時由教會資遣赴英游學。

宣統三年。川鄂事起。各省響應。英華已回國。赴奉天提倡革命。爲張作霖等所厄。幾瀕於危。民國三年。北京鹽務稽核總所設立未久。求通英文者爲所員。由坐辦鍾世銘之介入。所英華年小。狀貌魁偉。善馳馬。操英語純熟。總所會辦洋員丁恩見而悅之。派赴直隸各屬調查鹽價。差竣命之赴蜀。爲川南鹽務稽核分所所長。英華到蜀。與川省當局交懽。稽核分所所長。以官職言。僅與鹽運使等耳。英華踔厲風發。善交游。與川之省長督軍抗衡。作鈞禮。民國九年。署四川鹽運使。居無何。川省政局首領易人。英華不得已。棄職逃歸。到京後。結識都下之名公巨卿。盡得其懽心。然而未有遇也。民國十一年春杪。吳佩孚驅張作霖出關。迫徐世昌出京。召集元年國會議員。以黎元洪爲總統。英華自是與參議

院議長吳景濂及天津省長曹銳部下邊守靖等結合而於保定則聯絡曹錕之近侍李彥青。且以重金接濟各報館。爲之揄揚。竟得其力。得爲鹽務署署長。兼財政次長。兼代部務。於時王寵惠爲國務總理。英華以寵惠爲書生。每凌蹕之。國務院經費向由財政部籌撥者也。竟靳而不與。乃至寵惠所自籌者。英華亦奪之。寵惠怒。乃調之爲財政討論會會長。是時曹銳在津。方爲其兄錕布置賄選總統之事。不得不與參議院議長吳景濂接洽。當日所謂天津派者也。而吳佩孚及寵惠輩。則以爲候黎元洪任滿後再行選舉。所主張者與曹銳等相左。寵惠組閣本吳佩孚意。曹銳不敢進言於吳佩孚。獨以爲去寵惠則黎元洪可去。而選舉可立舉行。顧寵惠雖書生。政治手腕遲鈍。而其設施舉措。以至其

所屬閣員之所爲，則無懈可擊。於是曹銳等密謀，以爲王內閣之靈魂。奇乎！財政時長，財政者爲羅文幹。若攻羅，使之不安其位，則王內閣自傾。適羅以政府需款，解決與款懸案，爲財政部籌八十萬元事，爲曹銳等所聞，乃由吳景濂以參議院議長名義入覲黎元洪，誣文幹受安利洋行賄金。元洪畏景濂而不知此，爲天津派攻閣之計。貿然傳步軍統領聶憲藩將羅逮捕。於是王內閣散，而黎氏之被驅，亦以此爲始基矣。民國十二年，張紹曾組閣，以英華長財政，未幾爲王克敏所迫，遽卽辭職。英華雖長鹽長財，政所得直不償失。在川數年，所積貲數十萬金。此數年中政治，奔走銷耗殆盡。民國十五年，吳佩孚再起，以靳雲鵬薦，爲保定大名兩府籌餉督辦者一年有奇。計所搜括於兩府者，幾二千萬。

元其撥交吳靳爲軍饗者僅三之二耳。十六年爲河南省長吳再敗。乃退休天津。積貲之富。較之鍾世銘有過之無不及也。皆保定大名兩府之民膏民脂也。英華性儉嗇。赴蜀娶天津老妓海金福爲妾。使執提汲洒掃之役。金福不堪其苦而去。復入都。又取吳妓素玉。素玉本貧家女。在陝西巷營業不振。歸英華後。尙相安也。

張順欽。湘人。以熊希齡之汲。引入財政部爲司員。歷充科長庫藏司司長各職。民國十三年冬初。黃郛組閣。王正廷以外交總長兼長財政。有薦之者。正廷以爲財政次長。未幾。段祺瑞入京爲執政。李思浩復長財政。順欽留任。思浩解決金佛郎清室國庫券及其他各項懸案。順欽爲次長。所沾潤者。殊不貲。顧思浩爲段系大將。政治上各項活動。費用浩

繇收入雖豐，尙不敷出。順欽則素性吝嗇，所得之意外收入，除取一姬外，均貯存之，不浪費也。工心計，遇事每委爲思浩所爲。思浩去，張亦解職，有將其情形言於馮玉祥者。順欽聞之，逃歸湖南。

張其鏗，桂人，前清進士，曾爲廣西省長。吳佩孚之再起也，其鏗獻策稱意。吳遇之厚，張宗昌督魯聞之，以三十萬金賂其鏗，使以聯張作霖抗馮玉祥說吳佩孚。吳從之，與張作霖棄仇爲好。當是之時，吳無直接統轄之軍隊。原有第三師，十三年冬初，在永平府一帶，已潰亡無餘。從之者僅靳雲鶚及田維勤所部耳。靳田二人俱不以吳聯張爲然。未幾吳敗，其鏗倉皇出走，爲亂兵所殺。

符定一，湘人。十三年冬，吳佩孚喪師赴湘，居湘者近一年，符以其奇貨

可居也。時游其門。佩孚再起。赴鄂督師。北上與張作霖聯袂。先後入都。符求爲鹽務署署長。時稽核總所會辦韋爾敦辭職。符薦斐立克爲會辦。斐立克者英人。充順直水利局會計員有年。其識符也。以熊希齡。顧維鈞。時長外交。以斐雖英人。無鹽務學識經驗。且無聞於時。阻之。符乃資緣吳佩孚爲薦於顧。顧不得已從之。是時唐生智與湖南省長趙恆惕相失。但唐雅重吳佩孚之爲人。吳雖失勢。唐仍深致推仰之意。符索爲趙恆惕所卵翼。知之。進讒於吳。吳信之。與唐絕。唐懼。招粵軍入湘。逐趙恆惕。未幾入鄂。奄有武漢。吳以是再敗。符不得已棄官去。

張壁者。不知何許人。民國十三年冬初。馮玉祥與胡景翼孫岳不受吳佩孚節度。逕自口外潛師。取道密雲入都。拘曹錕。改組內閣。以黃郛爲

國務總理。免巡警總監薛之珩職。以張接充。或曰。張孫岳之所汲引也。馮玉祥驅溥儀出宮。張以總監隨入溥儀。有爪皮小便帽一頂。上搭精圓大珠一顆。置於案上。其光輝殊奪目。張見之。以已帽加於其上。出宮時。戴兩帽而去。一宮監見之。曰。此珠爲歷代所寶。其值殆無價也。張作霖馮玉祥。迎段入京爲執政。段既至京。免其職。以李某繼之。

沈瑞麟。湖州人。父秉成。曾任順天府府尹。安徽巡撫。署兩江總督。沈於光宣之交。曾任駐粵公使。解職歸國後。入外交部爲待命公使。後爲次長。民國十三年冬。段祺瑞爲執政。外交總長王正廷。求去甚力。是時安福死灰復燃。李思浩長財政。籌結金佛郎案。外交方面需人協助。沈時爲外交次長。聞之。乃資綠思浩爲薦於曾毓雋等。并表示其輸誠之意。

於是沈爲外交總長而以毓雋之從叔宗鑒爲次長。此案吾國損失不貲。而朋比分潤者。安福系外。自李思浩張順欽梁鴻志章士釗以下。以至大小各報館記者。自數十萬元以至數百元不等。沈好博。積年以來所負甚巨。部員某某皆平日迫隨沉於博場者也。沈負渠輩博進款巨無以爲償。乃具呈爲保記名公使焉。外交部所轄海外各領事。比年以來積欠薪俸雖多。而華僑較多之埠。如古巴海參威溫古華新加坡坎拿大小呂宋等處。卽至吉黑邊境各駐領之缺。俱有大宗護照費之收入。好利者復與華僑聯絡營運私貨及違禁物品。以自封殖。以故欲充其職者綦繁。民國以來長外交者。自陸徵祥以至沈之前任王正廷等。大都循資按格。以爲部中及海外各屬員升調。卽有黠者。亦不過招

呼其已在部之友好戚屬或收受貴重禮物而已。尙無以市道交者。自沈長外交。鼓鐘於中。聲聞於外矣。至於公使一職。大都需要積資較深之員。且薪俸公費積欠纍纍。無人問津也。民國十六年。張作霖自稱大元帥。以沈爲內務總長。十七年。張出關。沈亦赴遼。

章士釗。湘人。通東西文。民國二年。曾長北京大學。民國十年之際。段祺瑞蟄伏天津。章亦在津。時時往謁。且與其系要人交。十三年冬。張作霖馮玉祥。迎段入京爲執政。段以爲司法總長。段系欲結金佛郎懸案。章聞之。進言曰。此案若經各法官會議通過。事後即可無慮。於是以金案交司法部。章具一說帖爲復。中言此案可結有利無害之種種理由。蓋章一人所獨具。并未招集各法官討論也。案旣結。章得八萬元。成隍

廟街前山東巡按使蔡儒楷住宅備極美。奩蔡死其子求售章欲得之。嗣畏人言遂爾中止。十五年春段爲鹿鍾麟所驅。章挈妻孥出京。其妻吳氏合肥吳保初女。李鴻章部將淮軍統領吳長慶之孫女也。章近已赴英。

潘復濟甯人。少時翩翩有玉人之目光。宣之交。初至滬。識一少婦。少婦眷之。時時揮金爲贈。程德全巡撫江蘇。潘以末職居幕中。月糈至微。以少婦故尙可自給。民國初年。靳雲鵬爲山東將軍。爲之介紹於北京政府。以潘爲水利局會辦。靳微時。其母傭於潘氏。爲潘復之乳母。及靳貴。潘乃登堂拜母。與靳結爲異姓弟昆焉。民國靳組閣。以潘爲財政次長。邊防軍爲吳佩孚所挫。段系失敗。張作霖曹錕新用事。靳與二人爲姻。

姪故徐世昌不得不以之組閣。乃以潘爲鹽務署署長。周自齊去職。潘又兼代部務。位尊多金。自奉因以豪侈。其紅羅廠毛家灣兩私宅中。每至日入。選色徵歌。酒肉相屬。繼以博奕。門前車馬。轂擊肩摩。至子夜仍未休也。性好漁色。時復與八埠諸歌姬幽會於城南之東方飯店中。十年冬初。靳爲徐世昌以擯斥去位。潘亦辭職。寄居津沽。揮霍性成。財鹽時所入。雖豐。未年餘。幾破其產。十四年。張宗昌督魯。張爲潘之鄉人。潘代部時。張爲江西督軍。陳光遠所驅。自江西狼狽至京。潘遇之有恩。故張時時以厚貲接濟之。十五年。以張之推轂。乃長交通。旋調長財政。是時九六公債價格低落。投機者損失不貲。潘初受命。未就職時。投機者以是爲托。潘亦以提高九六公債價格爲己任。既就職數月。其價格低

落更甚於昔時。而另一方面之投機家，以價低爲利者，乃大有獲。潘亦從而取償焉。十六年，張作霖自爲大元帥，以潘爲國務總理。十七年，張宗昌喪師，張作霖不得已出關，潘赴大連爲寓公。

王琦者，不知何許人。少給事，潘復家。民國九年，潘爲鹽務署署長，以王爲二科科員。其識張宗昌也。以潘復，民國十五年，張宗昌至都，派之爲憲兵司令。妻弟某甲供職於其轄之司令部中。自王爲憲兵司令，畿輔富人之無勢力者，某甲以查檢軍裝或煙土爲名，裁贓誣枉，蹂躪備至，非以重金爲饋，不釋也。有受其害者，逕訴之於張作霖。作霖交軍事部訊辦。堂鞠之日，軍事部以其爲憲兵司令屬員，招王琦前往聽審。某甲供稱：此案某所得者雖五萬元，其實僅二萬元耳。問其餘三萬爲何人

所取則曰。吾姊丈及姊也。問姊丈何人。某甲顧主而言曰。此聽審者。吾姊丈也。王未及卒。訊逃去。某甲竟以伏法。方王爲鹽務署科員時。北京社會日報記。省林白水兼任鹽務署祕書。上行走。二人素相習。王爲憲兵司令。林晤及。謂之曰。爾今貴矣。殆非爾始願所及。王銜之。適有一日。該報有論說於張宗昌。潘復備極醜詆。王以報示張宗昌。且曰。林爲赤化分子。以聯俄爲職志。急殺之。不可留也。張領之。立繕手諭交王捕林殺之。

朱有濟蘇人。流寓天津。熊希齡妻兄之子也。民國初年。熊長財政。以爲吉林印花稅處處長。需次吉林者數年。解職後。往來京津間。好飲博。及狹邪游。以此入名公巨卿之門。嗣由潘復而識張宗昌。復由其在吉林

時所娶吳倡號爲哈叭狗者。介張妾張媛媛以交張宗昌。宗昌帥師至上海。因以朱爲江海關監督。張部還歸山東。朱不久亦北歸。時張作霖自爲大元帥。以潘復（字彥輔）之薦得爲財政次長。旣到京就職。日侍作霖。博一日同爲竹林之游。作霖需要白板。朱遽擲出爲獻。作霖悅。命之兼署鹽務署署長。管部次長兼鹽務署署長。民國以來所僅見也。是時鹽務署命令僅及本署。朱到署後。計所更動及添派到署之員仍數十人。間有以其妻妾侍朱寢而得之者。作霖出關。朱隨之赴遼。

郝鵬三河人。其父以州縣聽鼓山東。故郝少居濟南。民國初年郝入財政部爲科員。民國十年。北京博風極熾時。名公巨卿之好博者幾于無日不集。其籌碼勝負帳目。皆郝司之。爲時二閱月。計其所得餘利踰二

十萬元。於是買宅於鮑家街。與朋輩發起設華北銀行及紡紗廠。爲富人焉。都下有暗娼丁四姑娘者。郝獨眷之。至是亦迎歸爲妾。居無何。華北營業不振。而紗廠所購機器以金價驟昂失利。現金散盡。乃退休。天津包銷某洋商煤油。以自給。丁四姑娘不得已亦去。爲潘復之外婦焉。十三年冬。李景林督直。郝以李思浩薦爲直隸財政廳廳長者一年。至是復迎丁四姑娘歸。李爲馮玉祥所驅。郝亦解職退休。陸洪濤之爲甘肅督軍也。與德商某訂購軍裝。已付現款三十餘萬矣。直系失敗。洪濤去職。德商亦未能如約交貨。張宗昌知之。向德商索回原款。自留二十萬元。以尾數數萬元。分賜王琦及財政部中經手各司員。其款爲郝一人所獨吞。王聞之大怒。拘禁之。欲甘心焉。郝懼。求潘復向王進言。款吐

而郝得釋。

沈鴻昭甬人。初入財政部爲書記。洊擢爲科員科長。及庫藏司司長。其鄉人林鴻集亦隸財政部鹽務署。二人同以書記起家。沈善交游。於同僚貧者多所周卹。而長官亦喜之。林素性慳吝。獨爲李思浩一人所昵。翼民國十二年。張弧再長財政。以沈爲次長。未幾賀得霖擢而代之。十四年。李思浩重來。林爲公債司司長。時梁士詒爲交通銀行總理。與財政部商結某項懸案。思浩與士詒雅故。已畫諾矣。林以未得相當酬報。特攔之不行。思浩懼。哀求林。案乃結。

鄧君翔吳人。其舅吳某爲北京匯豐銀行帳房。垂三十年。病故。匯豐行長以鄧從其舅氏有年。於行事素所諳習。命鄧繼之。北京政府自袁氏

死後。逐日舉債維持軍政之費。歷任長財政者以鄧爲匯豐帳房。每與交驩。鄧雖爲外人僱員。亦好與名公巨卿交游。且時時有以濟其私人之困。有游俠之風焉。顧鄧雅好投機事業。如九六公債等。其價格兔起鶻落。旦夕間貧富殊懸。民國十六年。潘復之再長財政也。以提高九六公債爲己任。鄧信之而潘能力殊薄弱。就職既久。價格乃反低落。鄧所負者至巨。民國十六年春杪。鄧不得已出亡。侵挪匯豐之款。近四百萬元。鄧家雖破。而名公巨卿之受其惠者。不知凡幾。其出亡也。情形與失敗之軍閥不同。軍閥每赴租界或外國。鄧則於國內固一切自由。至於各埠租界。絕不敢來也。聞至今猶匿居其友某君私宅中。

蔣邦彥金華人。少游學日本。曾爲兩浙鹽運使。民國十一年選爲交通

銀行協理未就職。民國十四年。張宗昌督魯。有薦之者。因令組織山東省銀行。積三年中。該行收入之數約三萬萬元。支出者尙不止此。自該行鈔票停兌後。蔣操縱其間。私人收入極豐。張喪師下野。知其富也。每向之有所取求。以爲活動之資。蔣不能堪。乃移居大連營。蒐裘以終老焉。一日清晨。有日本暴徒九人。款門入。向之索款。蔣察來意洵洵。亦願以巨款爲贈。暴徒請益。蔣支悟答之。暴徒怒。以電氣殺之。其日本妾某氏亦死焉。此九人強半皆張宗昌舊部也。

民國二十三年初版



著
作
者

習

庵

發
行
者

正
心
書
局

總
經

上
海
益
新
書
局

售
處

南
京
益
新
書
局
南
京
淵
海
書
局
青
島
世
界
書
局
濟
南
世
界
書
局

燕京三十年預錄

全一冊定價五角